



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-053-4/22**
Datum: **17.03.2022. god**

«Agencija za vodno područje rijeke Save» Sarajevo rješavajući po zahtjevu Općine Maglaj za donošenje rješenja o vodnoj saglasnosti za aktivnost – sanacija (zatvaranje) postojeće deponije komunalnog otpada «Nekolj» općina Maglaj, na osnovu člana 109. stav (1) tačka 11. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Općini Maglaj daje se vodna saglasnost za aktivnost - sanacija (zatvaranje) postojeće deponije komunalnog otpada «Nekolj» i izgradnja pratećih sadržaja prilagođenih regionalnom konceptu odlaganja otpada na lokalitetu označenom kao k.č. broj: 91/5, 91/7, 91/8, 91/9, 91/10, 91/11 i 91/13 K.O. Liješnica, općina Maglaj, a na osnovu projektne dokumentacije:
 - *Glavni projekat sanacije postojeće deponije komunalnog otpada, općina Maglaj urađen od strane «Saraj inženjering» d.o.o. Sarajevo, broj: 919/19, april 2019. godine te revidovan od strane «ECOPLAN» d.o.o. Mostar, broj: I-56-501/20, 11.03.2020. godine*
2. Vodna saglasnost se donosi na osnovu utvrđenog činjeničnog stanja i pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio Rješenja, a ista će se koristiti u postupku pribavljanja odobrenja za gradnju i okolinske dozvole.
3. Ova saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa a sve u skladu sa važećim zakonskim propisima, odlukama i sl.
4. Vodna saglasnost se donosi pod sljedećim uslovima:
 - 4.1. Sve radove na sanaciji deponije i izgradnji pratećih sadržaja i objekata prilagođenih regionalnom konceptu odlaganja otpada izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Korisnik vodne saglasnosti je u obavezi da, u skladu sa zakonodavstvom iz oblasti građenja, angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 4.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr) kao i postojeće korisnike voda.
 - 4.4. U toku izvođenja radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 4.5. Izvođenje radova vršiti na način utvrđen u opisu tehničkog rješenja i tehničkih uslova izvođenja radova iz projektne dokumentacije a u skladu sa uslovima iz ove vodne saglasnosti.
 - 4.6. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 4.7. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
 - 4.8. Nakon izvođenja radova na izgradnji sistema odvodnje oborinskih onečišćenih voda i procjednih voda iz tijela deponije potrebno je izvršiti ispitivanja kvaliteta izvedenih radova na vodonepropusnost i bezbjednost od curenja a u cilju zaštite površinskih i podzemnih voda.
 - 4.9. Previdjeti da se sav nastali otpad prikuplja u skladu sa važećim propisima o postupanju sa otpadom.
 - 4.10. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.

5. Nositelj prava iz ove vodne saglasnosti dužan je prije početka radova na sanaciji (zatvaranju) predmetne deponije komunalnog otpada «Nekolj» u Maglaju ispuniti sve uslove propisane Rješenjem o urbanističkoj saglasnosti broj: 12-23-1629/17 donesenom dana 28.12.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
6. Usvojenim sistemom prečišćavanja otpadnih voda mora se obezbjediti da prečišćene otpadne vode, prije ispuštanja u recipijent – potok Nekolj a potom rijeka Liješnica, zadovolje granične vrijednosti emisija otpadnih voda definisane u članu 13. stav (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
7. Ukoliko se izvođenjem radova na sanaciji (zatvaranju) predmetne deponije ili drugim aktivnostima vezanim za predmetne radove prouzrokuju štete i nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
8. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
9. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnoj deponiji i pripadajućim objektima obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje radova i započeti radovi na sanaciji (zatvaranju) predmetne deponije u skladu sa projektnom dokumentacijom iz tačke 1. dispozitiva ovog rješenja.
12. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
13. Po završetku izvođenja radova na sanaciji (zatvaranju) predmetne deponije komunalnog otpada «Nekolj» u Maglaju i izgradnje predmetnih objekata te obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
14. Ukoliko u toku realizacije projektovanih aktivnosti na terenu dođe do odstupanja u odnosu na projektnu dokumentaciju na koje se izdaje ovo Rješenje, tada je Investitor u obavezi da uradi (inovira) projektnu dokumentaciju izvedenog stanja – hidro fazu.

O b r a z l o ž e n j e

Od strane Općine Maglaj dana 08.02.2022. godine podnesen je ovoj Agenciji zahtjev za izdavanje vodne saglasnosti za sanaciju (zatvaranje) postojeće deponije komunalnog otpada «Nekolj» u Maglaju i izgradnju pratećih sadržaja prilagođenih regionalnom konceptu odlaganja otpada, a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-1/21-2-40-053-2/22 od 10.02.2022. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Kopija Odluke o organizovanju/organiziranju Općinskih službi za upravu Općine Maglaj broj: 02-05-175/05 donesene dana 08.02.2005. godine od strane Općinskog vijeća Maglaj,
- Kopija Odluke o izmjeni i dopuni Odluke o organizaciji Općinskih službi za upravu Općine Maglaj broj: 02-05-1-418/06 donesene dana 23.03.2006. godine od strane Općinskog vijeća Maglaj,
- Kopija Uvjerenja o registraciji poreznog obveznika izdatog dana 16.10.2018. godine od strane Porezne uprave Federacije BiH – Kantonalni porezni ured Zenica,

- Glavni projekat sanacije postojeće deponije komunalnog otpada, općina Maglaj urađen od strane «Saraj inženjering» d.o.o. Sarajevo (broj: 919/19, april 2019. godine),
- Zbirno izvješće o reviziji Glavnog projekta urađen od strane «ECOPLAN» d.o.o. Mostar (broj: I-56-501/20, 11.03.2020. godine),
- Kopija Rješenja o prethodnoj vodnoj saglasnosti broj: UP-I/25-1-40-510-4/20 izdatog dana 14.12.2020. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: UPI 05/2-23-11-69/15 izdatog dana 19.01.2017. godine od strane Federalnog ministarstva okoliša i turizma Sarajevo,
- Kopija Zahtjeva za obnovu okolinske dozvole upućenog Federalnom ministarstvu okoliša i turizma Sarajevo dana 18.10.2021. godine,
- Kopija Rješenja o urbanističkoj saglasnosti broj: 12-23-1629/17 donesenom dana 28.12.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Dokaz o uplaćenju upravnoj taksi.

Nakon uvida u dostavljenu dokumentaciju konstatovano je sljedeće:

Gradska deponija komunalnog otpada «Nekolj» nalazi se na udaljenosti oko 3km od grada Maglaja odnosno oko 2km od fabrike «NATRON-HAYAT» d.o.o. Maglaj. Deponija je otvorenog tipa - to je prostor koji ne zadovoljava uvjete sanitarnih deponija, nije pripremljen za namjenu odlaganja otpada, nema izgrađene sisteme za zaštitu vode, tla i zraka. Povremeno se vrši zasipanje otpada inertnim materijalom pomoću manjih bagera. Za predmetnu deponiju je od strane Agencije ranije izdato Rješenje o prethodnoj vodnoj saglasnosti broj: UP-I/25-1-40-648-3/15 od 19.01.2016. godine i rješenje broj: UP-I/25-1-40-510-4/20 od 14.12.2020. godine.

Da bi se izvršila sanacija predmetne deponije i izgradili prateći sadržaji prilagođeni regionalnom konceptu odlaganja otpada potrebno je uraditi niz mjera i aktivnosti, što uključuje izgradnju svih objekata koji osiguravaju kvalitetno i sigurno funkcionisanje deponije, kako bi predmetni kompleks udovoljavao regulativi BiH i EU. Cilj sanacije je unapređenje zaštite životne sredine kroz sanaciju postojećeg odlagališta otpada, poboljšanje sanitarnih i zdravstvenih uslova te da se realizacija projekta uklapa u osnovne prioritete upravljanja otpadom u FBiH i u integralni sistem upravljanja otpadom. Da bi se realizovali postavljeni ciljevi i implementirali zadaci predviđeni Glavnim projektom predviđena je sanacija obodnih kanala za prihvrat površinskih voda, cjevovoda za prihvrat potoka Nekolj, drenažnog cjevovoda, prihvatnih bazena i potporne brane u nožici deponije.

Sanaciju postojeće deponije planirano je izvršiti kroz nekoliko faza: prva faza na saniranju postojeće deponije obuhvatit će deratizaciju i dezinfekciju deponije; druga faza radova obuhvatit će zbijanje ostalog sakupljenog otpada i ranije razgrnutog otpada na plohama uz ublažavanje pokosa i konačno formiranje tijela deponije. U ovoj fazi pristupit će se izgradnji (sanaciji) postojećih obodnih kanala deponije a također će se sanirati postojeći i izgraditi novi sistem za prikupljanje procjednih voda u donjoj zoni postojeće deponije odmah iznad drenažnih cijevi; treća faza obuhvata zatvaranje tijela deponije završnim multibarijernim slojem i izgradnju makadamskih cesta i svih planiranih objekata; četvrta faza radova podrazumijeva radove na hortikulturnom uređenju zatvorene deponije, te vršenje monitoringa i održavanje deponije kroz dalji period.

Oborinske vode prikupljene obodnim kanalom oko tijela deponije će se ispuštati u kanal za prikupljanje oborinskih voda sa platoa dok će se oborinske vode sa platoa i radnih površina preko slivnika i kanala nakon tretmana u separatoru ispuštati u potok Nekolj.

Procjedne vode iz tijela deponije će se sistemom drenažnih cijevi odvesti u prihvatni bazen zapremine 100m³ odakle će se voda pumpnim sistemom vraćati na tijelo deponije.

Odlaganje otpada nastaviti će se na postojećoj deponiji sve do trenutka uspostavljanja uslova za prelazak na regionalni koncept odlaganja na Regionalnu deponiju Mošćanica Zenica.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa broj: UP-I/25-1-40-510-4/20 od 14.12.2020. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat sanacije postojeće deponije komunalnog otpada, općina Maglaj urađen od strane «Saraj inženjering» d.o.o. Sarajevo (broj: 919/19, april 2019. godine), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu rješenja,

propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata. Podnosilac zahtjeva je uplatio upravnu taksu u iznosu od 60 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Prilog:

- Ovjerena projektna dokumentacija: Glavni projekat sanacije postojeće deponije komunalnog otpada, općina Maglaj urađen od strane «Saraj inžinjering» d.o.o. Sarajevo (broj: 919/19, april 2019. godine)
- Zbirno izvješće o reviziji Glavnog projekta urađeno od strane «ECOPLAN» d.o.o. Mostar (broj: I-56-501/20, 11.03.2020. godine),

Po ovlaštenju

Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

– OPĆINA MAGLAJ

ul Viteška br 4, 74250 Maglaj (prilog)

– AVP, ISV – Vodna knjiga

⊖ Sektor 40, arhiva

– Oglasna ploča, AVP Sava